

續目

著錄成於乾隆丁未維時得瓦爲至多但其中往往有
仿本未獲原文者自敦稽留於此又論七年每加搜錄
漸次更換始無一瓦仿所至所得之地可以考證瓦文
有初不知而後知之者亦於說中著明年月而改正之
外此更得異文之瓦二十有餘爰爲續目於左不重加
編錄者以後或能續若干尙在不定之數也甲寅八月
望儀一日程敦又識

大禹樂當一

永受嘉福瓦一

崑氏塚舍瓦一

續目

著錄成於乾隆丁未維時得瓦爲至多但其中往往有
仿本未獲原文者自敦稽留於此又踰七年每加搜錄
漸次更換始無一瓦仿所至所得之地可以考證瓦文
有初不知而後知之者亦於說中著明年月而改正之
外此更得異文之瓦二十有餘爰爲續目於左不重加
編錄者以後此能續若干尙在不定之數也甲寅八月
望後一日程敦又識

大萬樂當一

永受嘉福瓦一

嵬氏冢舍瓦一

飛鴻延年瓦一

長樂萬歲瓦一

大殿瓦一

金殿瓦一

右將瓦一

平樂宮阿瓦一

甘林瓦一

甘泉上林瓦一

嬰桃轉舍瓦一

千金宜富貴當一

衛屯瓦一

揜依中庭瓦一

方春蕃萌瓦一

長生未央鳳瓦一

樂瓦一

百萬石倉瓦一

四棚瓦一


六畜蕃息瓦一

長樂未央金字瓦一

長生未央命字瓦一

延年半瓦一

宣靈殘瓦一





續秦漢瓦當文字一卷

凡瓦二十有五

哈佛大學漢和
圖書館珍藏印

程敦著錄





右大萬樂當出漢舊城萬舞名也詩邶風簡兮傳云以千羽為萬舞謂之大萬者凡樂皆以大稱周官大司樂云雲門大卷大咸大磬大夏大濩大武又漢亦稱大樂官後漢改大予樂皆稱大也此當卽大樂官署瓦



右鳥蟲書永受嘉福瓦文說皆已見前此更擴大而中無十字界
格以一小點作中心字跡差有不同篆法又益茂美陝西糧儲觀
察建昌顧公令子旭莊讀書嗜古此及仁義自成瓦皆以重值購
得於漢城瓦當文字所出之多以此時爲最雖云奇古之物不終
淹沒然亦二三君子有以振興之也



右鬼氏冢舍瓦文與漢人碑刻隸書相同錢別駕得於馬嵬所謂
鬼氏者古無此姓殆魏字省文長安志引孫景安征途記稱馬嵬
是人名觀此可證其繆漢書游俠傳云原涉自以先人墳墓儉約
廼大治起冢舍初武帝時京兆尹曹氏葬茂陵民謂其道爲京兆
阡涉慕之買地開道立表署曰南陽阡人不肯從謂之原氏阡蓋
當時風尚如此故斷塋殘甍猶有留遺至今者先是錢別駕以丙
午夏月給假南旋深以不得異文之瓦爲憾事迨丁未初秋奉母
之官檄攝咸甯貳尹前所欲求之瓦次第皆得尤以十二字鳥蟲
書洎此爲珍貴蓋好古之人於古物自相投契若有莫之致而至
者正不必以所得之先後爲汲汲也戊申五月敦記



右瓦上有延年二字下作鴻雁飛翔之形長安耕民得於楊家城
鴻臺阼下賈人轉鬻於申明府考漢紀惠帝四年三月長樂宮鴻
臺災又三輔黃圖云長樂宮有鴻臺秦始皇二十七年築高四十
丈上起觀字帝嘗射飛鴻於臺上故號鴻臺至今遺阼尙存與長
樂鐘室武帝承露臺三基錯峙土人名爲鴻雁臺此瓦旣獲於此
阼則爲鴻臺觀字之瓦與



右長樂萬歲瓦攷三輔黃圖長安宮有萬歲殿又長安志引漢宮
闕名有萬歲宮此或其瓦銘與此瓦錢別駕所得



右大字瓦一俞太學得於漢城說見金字瓦下




右金字瓦錢別駕得於漢城三輔黃圖云金殿輅輪殿大殿果馬
殿輓梁殿騎馬殿大宛殿胡河殿駟駝殿在長安城內此瓦既出
於漢城輪廓小而字不甚美其金殿瓦與以此類推俞太學所得
之大字或卽大殿瓦也漢百官表太僕屬官亦有大殿令丞尉



右瓦爲右將二字申朝邑獲於長安市肆攷漢百官表卽掌守門
戶出充車騎屬官中郎有五官左右三將秩皆比二千石據此其
右將署瓦與




右瓦文讀曰平樂宮阿平樂宮阿閣瓦也攷漢書武帝紀元封六年夏京師民觀角抵於上林平樂館西京賦薛綜注云平樂館大作樂處敦謂宮卽館對文互異散文則通阿者宮之深曲處後漢書馬援兄子嚴傳云敕嚴過武庫祭蚩尤帝親御阿閣觀其土眾注云阿曲也據此則宮之有阿閣不獨平樂爲然矣



右甘林瓦出涪化縣治北甘泉山敦遣僕人鬻得於農民者按史
 記漢孝文本記三年五月初幸甘泉索隱引應劭說甘泉宮名在
 雲陽一名林光薛瓚云甘泉山名林光秦離宮名據此則秦林光
 宮作於甘泉故以甘林銘瓦與或云甘林卽甘泉上林省文亦通
 甘泉上林見後




右甘泉上林出瀆化攷漢百官表云水衡都尉掌上林苑屬官有
 上林均輸洎甘泉上林都水等長丞皆屬焉甘泉上林有四丞據
 此則知甘泉之有上林矣此亦猶上林苑瓦之書上林耳非長丞
 署瓦也



右瓦文曰櫻桃轉舍出淳化甘泉宮阼櫻字省木桃字反書兼省
 匕轉舍卽傳舍始亦長楊五柞之屬以果木命名耳



右瓦文曰千金宜富貴當六字出興平縣北一里所黃麓山下黃麓山一名北芒巖此瓦銘詞亦取吉祥語而意義不類士夫顯達者敦斷為袁廣漢家物也攷西京雜記云茂陵富人袁廣漢藏鏹巨萬家僮九百人於北芒巖築園東西四里南北三里激流注其內構石為山高十餘丈連延數里養白鸚鵡紫鴛鴦鹿牛青兕云云可見一時之盛然則瓦之有銘亦習見皇家貴室如此故為之耳



右爲衛屯二字乃衛尉寺兵屯署瓦也案漢百官表云衛尉秦官
 掌宮門衛屯兵又諸屯衛候司馬二十二官皆屬焉又僕射所掌
 有軍屯東城門校尉掌京師城門屯兵步兵校尉掌上林苑門屯
 兵此言衛屯者所以別於諸屯也敦嚮辯衛字不爲秦仿六國宮
 室瓦得此益徵其不繆矣




右瓦爲揜依中庭四字出建章宮阼不知所施考長安志引關中
記建章宮有馭娑駘盪枌詣等殿注家解釋不一敦謂馭娑卽娑
娑之意馭娑駘盪皆謂宮室之廣大也枌詣卽旖旎以音近相假
耳以此推之則揜依亦掩映隱翳之義與上三名無異或當日有
此殿耳又長安志甘泉宮條下有旁皇觀同此意也或謂覲禮云
天子設斧依於戶牖之間注如今緹素屏風有繡斧文所以示威
也蓋依與辰通土虞禮注戶牖之間謂之依是也揜依中庭者揜
依卽辰謂設辰之庭也說雖典覈然近泥矣故無取焉



右瓦爲方春蕃萌四字出漢舊城不知所施



右長生未央瓦中有鳳形與飛鴻延年鹿甲天下同製出甘泉宮
地亦隨意爲之耳




右瓦但一樂字出漢城不知所施或卽長樂宮瓦也



右百萬石倉瓦出漢舊城攷漢京師有太倉甘泉倉長安倉細柳倉嘉禾倉漢書高帝紀七年二月蕭何治未央宮立太倉三輔黃圖云在長安城外東南有百二十楹又食貨志曰太倉甘泉倉皆滿又宣帝紀本始四年正月詔丞相以下至都官令丞上書入穀輸長安倉助貸貧民三輔黃圖云長安西渭北石徼西有細柳倉東有嘉禾倉初建一百二十楹此曰百萬石者乃期擬之虛詞究不知爲何倉瓦然旣出漢城殆卽長安等倉與



右瓦上象四繩又有水草形得於長安城南當是上林苑中宮觀
瓦無從考其所施矣



六畜蕃息瓦秀水陸文學繩得於長安市肆當是獸圈署瓦三輔
黃圖云獸圈九儀圈一在未央宮中又漢書張釋之傳云上登虎
圈問上林尉禽獸簿十餘問尉左右視盡不能對虎圈齋夫從旁
代尉對據此虎圈有齋夫則知獸圈必有署矣



右長樂未央瓦中有金字出淳化不知其義也



右長生未央瓦中有一字不可識存之以俟知者



右延年半瓦一錢別駕得自漢城此與前上林二半瓦皆非殘缺
 乃瓦當中具此一種適用耳平列延年二字殆即殿記所謂延年
 殿瓦與



右殘瓦但存下半宜靈二字不知上文爲何難攷所施也

卷之五

